

*O'zbekiston Respublikasi Oliy va o'rta maxsus ta'lim vazirligi  
Samarqand Davla Universiteti  
«Kasbiy ta'lim» fakulteti*

*«Mehnat ta'limi» kafedrası*

# KURS ISHI

*Mavzu: Bug'doy uni*

*Bajardi: Tursunov Oybek*

*Ilmiy rahbar: M. Rasulova*

*Himoyaga tavsiya etildi. Kafedra yigilishining bayonnomasidan kochirma*

*№ « \_\_\_\_\_ » \_\_\_\_\_*

*Samarqand-2017*

*Samarqand Davlat Universiteti Kasbiy ta'lim fakulteti «Mehnat  
ta'limi» kafedrası*

*4- kurs talabasi \_\_\_\_\_ ning*

*Kurs ishining taxlili yuzasidan*

# QAYDNOMASI

Sana \_\_\_\_\_ 2017 y.

*Eshitildi:* \_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_

*Savollar:* \_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_

*So'zga  
chiqdi:* \_\_\_\_\_  
\_\_\_\_\_  
\_\_\_\_\_  
\_\_\_\_\_

*Xulosa va baxo*  
\_\_\_\_\_  
\_\_\_\_\_  
\_\_\_\_\_

*A'zolari:*  
1. \_\_\_\_\_  
2. \_\_\_\_\_  
3. \_\_\_\_\_

## КИРИШ

Озиқ-овқат махсулотлари одам организми учун энергия манбаи ва тўқималари учун қурилиш материали сифатида зарурдир. Озиқ-овқат

махсулотлари мураккаб кимёвий таркиб ва тузилишга эга бўлган ўсимлик ва хайвон маҳсулотларидан ишлаб чиқарилади. Бу хомашёлардан озиқ-овқат маҳсулотлари ишлаб чиқариш жараёнлари ҳам мураккабдир.

Озиқ-овқат товар маҳсулотларининг юқори сифатли бўлишига физика ва кимё, механика ва теплофизика, микробиология ва биокимё қонуниятларига асосланган қайта ишлаш усулларини қўллаш орқали эришилади. Шунинг учун озиқ-овқат саноатининг турли тармоқларида қўлланиладиган хомашё, ишлаб чиқариладиган озиқ-овқат маҳсулотлари ва чиқиндилари, ҳамда саноатнинг турли йўналишларида қўлланиладиган технологик жараёнларнинг умумий саволлари ва назарий асосларини ўрганиш билан бирга ёғ ва мойлар, дон маҳсулотлари, гўшт, сут ва консерваланган маҳсулотлар, шаробчилик ва бижғиш маҳсулотлари ишлаб чиқаришнинг принципиал схемаларини ўрганиш зарурдир.

Умумий озиқ-овқат технологияси курси талабанинг ишлаб чиқариш корхоналарида амалиётни ўтишига, технологиянинг махсус курсларини ўқишига ҳамда техник ижод қилишга тайёргарлигини ошириши билан бир вақтда, танланган соҳа йуналишидан бошқа турдош озиқ-овқат саноати технологиялари ҳақида тушунчага эга бўлишига ёрдам беради.

Амалий машғулотларида озиқ-овқат саноатининг турли тармоқлари хом ашёлари ва тайёр маҳсулотларининг технологик кўрсаткичлари ва сифатини баҳолашда қўлланиладиган таҳлил усуллари ўрганилиб, амалий кўникмалар ҳосил қилинади.

## **ТУРЛИ ХОМ АШЁЛАР ҚУРУҚ МОДДАЛАРИ МИҚДОРINI АНИҚЛАШ**

Барча озиқ-овқат маҳсулотлари, уларнинг хом ашёлар таркиби сув ва

куруқ моддалардан ташкил топган. Маҳсулот куруқ моддалари таркибига углеводлар, клечатка, оксиллар, органик кислоталар, минерал моддалар киради. Куруқ моддалар миқдори маҳсулот сифатининг универсал кўрсаткичи бўлиб ҳисобланади, шунинг учун барча хомашё ва тайёр консерва маҳсулотларидаги куруқ моддалар миқдори ГОСТ ва техник шартлар (ТУ) билан белгиланади. Маҳсулотлардаги куруқ моддалар миқдори физик-кимёвий, кимёвий ва физик усуллар билан аниқланиши мумкин. Кўп ҳолларда куруқ моддалар миқдорини аниқлашнинг энг кўп тарқалган усуллари маҳсулотларни доимий оғирликкача қуритиш ва маҳсулотдан сувни ҳайдаш усулларида қўлланилади. Физик усуллардан рефрактометрик усул ва зичликни аниқлаш усуллари кўп тарқалган.

**Ишнинг мақсади:** Барча озиқ-овқат маҳсулотлари, хом ашё ва тайёр маҳсулотлар таркибидаги куруқ моддаларнинг фоиздаги улушини аниқлашдан иборат.

## ҚУРУҚ МОДДАЛАР МИҚДОРНИ АНИҚЛАШНИНГ ОҒИРЛИК УСУЛИ

**Керакли реактив ва асбоб-ускуналар:** қуритиш шкафи, бюкс ёки фарфор косача, эксикатор, сабзи намунаси, картошка намунаси, мева пюреси намунаси, олма намунаси.

**Ишни бажариш тартиби:** Бу усулда маҳсулотни қуритиш шкафида доимий оғирликка келгунча  $105^{\circ}\text{C}$  ҳароратдаги атмосфера босими остида ёки  $70^{\circ}\text{C}$  ҳароратдаги паст босим остида қуритишга асосланган. 10-12г тоза қиздирилган қумни тоза ва куруқ бюксга солиниб, бюксни шиша таёқча билан биргаликда доимий оғирликка келгунча қуритилади. Бюкслар эксикаторда совутилиб, 0,001г аниқликгача ўлчаб олинади. Сўнгра бюксга 5г миқдорда қуритиладиган маҳсулот намунаси солинади. Шиша таёқ ёрдамида қум билан аралаштирилади ва 0,001г аниқликкача ўлчанади. Қуритилган

меваларнинг курук моддаларини аниқлашда намунани кумсиз тортилади. Қопқоғи очик бюкс қуритиш шкафига қўйилиб, 4-соат давомида 105°C ҳароратдаги муҳитда қуритилади (1-расм). Шундан сўнг бюксларнинг қопқоғи ёпилади, эксикаторда 30 минут давомида совутилади ва ўлчанади. Ўлчанган бюкслар яна 1 соат давомида қуритилади, совутилиб ўлчанади. Бу жараён кетма-кет қуритилган иккита бюкслар оғирликлари ўртасидаги фарқ 0,002 г ни ташкил қилгунча давом эттирилади. Курук моддаларнинг улуши, (%) қуйидаги тенглама ёрдамида аниқланади:

$$X = \frac{M_2 - M}{M_1 - M} \cdot 100; \quad \%$$

бу ерда, М - бюкснинг кум ва шиша таёқча билан биргаликдаги

оғирлиги, г;

M<sub>1</sub> - бюкснинг кум, шиша таёқча ва маҳсулот намунаси билан

биргаликдаги қуритишдан олдинги оғирлиги, г;

M<sub>2</sub> - бюкснинг кум, шиша таёқча ва маҳсулот намунаси билан

биргаликдаги қуритишдан кейинги оғирлиги, г.

Бир вақтда қуритилган маҳсулотлар курук моддаларнинг миқдори орасидаги фарқ 0,2% дан ошмаслиги керак.

## **ҚАТТИҚ ЁҒЛАРНИНГ ЭРИШ ВА ҚОТИШ ҲАРОРАТИНИ АНИҚЛАШ**

Маргарин, кондитер ва кулинар ёғлари ишлаб чиқариш учун ва совун олиш, стеарин олиш, техник ёғлар олиш учун юқори эриш ҳароратига эга бўлган қаттиқ ёғлар зарур бўлади. Бу ёғлар саноатда суяқ ўсимлик мойларини водород билан катализатор иштирокида тўйинтириб қаттиқ ёғлар олинади. Бу қаттиқ ёғлар саломас деб аталади. Саломасни олиш жараёни эса саноатда гидрогенлаш деб аталади.

Қаттиқ ёғларни эриш ва қотиш ҳароратини аниқлашнинг тавсия қилинаётган усуллари саноатда амалдаги стандартларга мос маҳсулот ишлаб чиқаришни назорат қилишни таъминлайди.

Ҳар бир кристаллик қаттиқ жисм, аниқ панжара билан характерланади, унинг тугунларида атомлар ва модданинг атомлар гуруҳи жойлашган. Улар узлуксиз тебранувчи ҳолатда бўлиб, ўртача энергияси ҳароратга боғлиқдир.

Ҳароратни ошиши атомлар ҳаракатининг ўртача энергияси ва атом гуруҳлари кўпайишига олиб келади. Критик ҳароратга етганда, панжаралар бузилади ва қаттиқ жисм суяқ ҳолатга ўтади. Синалаётган модда суяқ-томчи ҳолатга ўтган ва шаффоф бўлиб қолган ҳолат эриш ҳарорати дейилади. Ҳар бир тоза индивидуал модда эриш ҳароратга эга. Бу кўрсаткич берилган модданинг тозалиги ва унинг идентификациясининг асосий характеристикаси ҳисобланади.

Мураккаб глицерид аралашмасини ташкил этувчи кўп моддалар ва ёғларни ҳарорати бир-биридан фарқланиб, уларнинг суяқ-томчи ҳолатига ўтиши бир зумда содир бўлмай, балки айрим ҳарорат интервалида содир бўлади. Бунда аралашманинг ҳар хил компонентлари турлича эрийди.

Биринчи навбатда ёғ юмшайди ва ҳаракатланиш бўлади, сўнг маълум ҳароратга етгач ҳамма таркибий қисмлари суяқ ҳолатга ўтганда, ёғ шаффофлашади.

**Ишнинг мақсади:** Ёғ-мой саноатида ишлаб чиқариладиган ва қўлланиладиган қаттиқ ёғларнинг эриш ва қотиш ҳароратини аниқлаш

усули билан танишиш ва ўзлаштириш.

## ИККИ УЧИ ОЧИҚ БЎЛГАН КАПИЛЛЯРДА ЁҒНИ КЎТАРИЛИШИ БЎЙИЧА ЭРИШ ҲАРОРАТИНИ АНИҚЛАШ.

**Керакли реактив ва асбоб-ускуналар:** ёғ, муз, шиша найчали капилляр, термометр, стаканли сув ҳаммоми, штатив, аралаштиргичли электроплита.

**Ишни бажариш тартиби:** Тоза, курук, икки томони ҳам очик, юпка энгил шишадан ясалган капилляр найчага (найча узунлиги 50-80мм, диаметри 1-1,2мм, девори қалинлиги 0,2-0,3мм) шундай миқдор тўлик эриган, филтрланган қаттиқ ёғ олинадика, бунда капиллярдаги ёғ устуни баландлиги 10-15мм атрофида бўлсин. Капиллярни тўлдириш, унинг учини ёғга тиқиш билан амалга оширилади. Ёғли капилляр муз устида ёки музлатиш камерасида 10минут давомида ушлаб турилади. Шундан сўнг ингичка резинали халка ёрдамида термометрга (шкаласининг бўлимлари  $0,1^{\circ}\text{C}$ ) маҳкамланади, бунда ёғ устуни ва термометрни симобли шариги бир хил сатҳда туриши керак. Шундан сўнг термометр маҳкамланган капилляр, ҳарорати  $15-18^{\circ}\text{C}$  бўлган, сувли стаканга солинади. Капилляр сувга 30-40мм кириб туриши керак. Бунда капиллярнинг тўлдирилмаган учига сув кириб кетмаслигини назорат қилиш керак. Магнитли аралаштиргич билан доимий аралаштириб турган ҳолда, электр плиткадаги стакан сувининг ҳарорати дастлаб минутига  $2^{\circ}\text{C}$  дан, эриш ҳароратига яқинлашган сари минутига  $1^{\circ}\text{C}$  дан ошириб борилади. Капиллярдаги ёғ шаффофлашгандан сўнг, маълум бир лаҳзада капилляр бўйлаб кўтарилади ана шу вақтдаги ҳарорат - эриш ҳарорати деб олинади.


Аниқлашни 2 марта бажарилади ва натижа сифатида 2 та параллел аниқланган кўрсаткичларнинг ўртача арифметик қиймати олинади. Бу кўрсаткичлар бир-биридан  $0,5^{\circ}\text{C}$  дан кўп фарқ қилмаслиги керак.

## ҚОТИШ ҲАРОРАТИНИ АНИҚЛАШ.

Ҳар бир суюқ жисми совутишда, каттик жисми иситишга тескари жараён боради. Ҳарорат тушиши билан суюқлик молекулалари харкатининг ўртача энергияси камаяди, маълум вақтда кристалл структура пайдо бўлади ва суюқ жисм қаттик ҳолатга ўтади. Демак эриш ва қотиш қайталаниш жараёнларини намоён қиладилар. Кимёвий тоза индивидуал моддалар учун эриш ва қотиш ҳарорати қийматлари тўғри келади.

Ёғ кислота ва глицеридларнинг қотиш ҳарорати эриш ҳароратига нисбатан бир неча градусга паст бўлади. Кристалланиш жараёнида глицеридлар ёки ёғ кислоталар аралашмаларини охириги қотиш вақтини аниқлаш қийин. Бошқа сабаб: эриш ва қотиш ҳарорати орасидаги фарқ совиш ходисаси мавжудлигини белгилайди. Ёғни қотиш жараёни деб кристалланиш маркази ҳосил бўлишига айтилади. Бу кристалланиш маркази ҳосил бўлиши харакатланаётган молекулалар ассоциацияси натижасида бўлиб, уларнинг кинетик энергияси ҳарорат пасайиши билан камаяди.

Бунинг натижасида алоҳида молекулалар орасида боғланиш кучи ҳосил бўлиш холига етгунча бир-бирларига яқинлашадилар ва молекулалар гуруҳини ҳосил қилиб, уларнинг эркин энергиялари энг кам ҳолатга қелади. Ёғ кислоталар молекулалари эркин энергияларини пасайиши уларнинг кўпайишига олиб келади. Бу эса қотаётган ёғнинг қотиш ҳароратини оширади. Бундан ташқари ёғ кислоталарнинг катта молекулалари глицеридларнинг кристал занжирларида жой эгаллаши учун, вақт керак бўлади, чунки қовушқоқ молекулалар харакати анча суст. Ёғларни ва ёғ кислоталарни эриш ва қотиш ҳароратлари орасидаги фарқ полиморф ходисаси билан боғлиқдир.




1-расм. Совутиш жараёни графиклари.

Ёғларни ва ёғ кислоталарни таркибига боғлиқ ҳолда бир неча марта ҳарорат тўхташи ва кўтарилиши содир бўлади. Шунинг учун қотиш ҳарорати катталиги сифатида ёғнинг ва ёғ кислоталарининг совутиш жараёни графигидан минимал ҳарорат қиймати олинади.

#### ЖУКОВ АСБОБИДА ҚОТИШ ҲАРОРАТИНИ АНИҚЛАШ.

Жуков асбобининг тузилиши 2 деворли шиша идиш бўлиб, (2-расм) деворлар орасида вакуум ҳосил қилинган, бу вакуум атроф муҳитга юқори иссиқлик изоляциясини ва минимал иссиқлик йўқолишини таъминлайди.



2-расм. Жуков асбоби.

**Керакли реактив ва асбоб-ускуналар:** ёғ, сув ҳаммоми, Жуков асбоби, термометр.

**Ишни бажариш тартиби:** Сувли ҳаммомда эритилган ёғ Жуков

асбобига идишнинг юқори қисмидан 2см паст ҳолатда қуйилади. Эритилган ёғнинг бошланғич ҳарорати кутилаётган қотиш ҳароратидан 10-15°C га юқори (50-70°C) бўлиши керак. Асбоб шундай созланадики симоб шариги эриган ёғ ўртасида бўлиши керак. Асбобдаги ёғни термометр билан аралаштирилади ва аралаштириш тўхтатилиб, ҳароратнинг вақт ўзгариши кузатилиб, жадвал кўринишида ёзиб борилади. . Термометр кўрсаткичи ва вақти ҳар минутда ёзилади. Шу жадвал асосида координата графиги тузилади. Бу графикдан қотиш ҳарорати аниқланади.

## **МОЙЛАРНИНГ КИСЛОТА СОНИНИ АНИҚЛАШ**

Кислота сони (к.с.) деб, бир грамм ёғдаги эркин ёғ кислоталарни нейтраллаш учун керак бўлган калий гидроксиднинг миллиграмм миқдорига айтилади. Эркин ёғ кислоталарнинг миқдори мойли хом ашёнинг сифатига, ёғ ва мойни олиш усулига, уни сақлаш шароитига ва бошқаларга боғлиқ.

Кислота сони ёғларнинг асосий сифат кўрсаткичларидан бири ҳисобланади.

## ОЧ РАНГЛИ МОЙЛАРНИНГ КИСЛОТА СОНИНИ АНИҚЛАШ.

**Ишнинг мақсади.** Ёғ намунасини ишқорли эритма билан индикатор фенолфталеин иштирокида титрлаб, кислота сонини аниқлашни ўрганиш.

Ёғлар учун эритувчи сифатида спиртнинг диэтил эфири ёки бензин билан нейтралланган аралашмаси қўлланилади.

**Керакли реактив ва асбоб-ускуналар:** 96%-ли этил спирти ва диэтил эфирининг нейтралланган аралашмаси (1:2), фенолфталеиннинг спиртдаги 1%-ли эритмаси, 0,1Н калий ёки натрий гидроксиднинг спиртли эритмаси, 100 мл ли ясси тубли колба.

**Ишни бажариш тартиби:** 250мл ли колбага аналитик тарозида 3-5г мой тортилади, устига 50мл этил спирти ва диэтил эфирининг 1:2 нисбатдаги аралашмаси қуйилиб, 3-5 томчи фенолфталеиннинг 1%-ли эритмаси қўшилади. Олинган эритма доимий аралаштирилиб 0,1Н калий гидроксиднинг спиртли эритмаси билан, 30 сек давомида йўқолмайдиган, оч пушти ранг ҳосил бўлгунча титрланади.

Тахлил қилинган мойнинг кислота сони мг КОН да қуйидаги формула билан ҳисобланади:

$$\text{К.с.} = 5,611 \cdot A \cdot k / m \quad (\text{мг КОН})$$

бу ерда 5,611– 0,1Н калий гидроксид эритмасининг титри, мг/мл;

А–титрлашга сарф бўлган 0,1Н калий гидроксид эритмасининг миқдори, мл;

к – эритма титрига тузатма;

м – тахлил учун олинган мойнинг оғирлиги, г.

Рафинацияланмаган мойларнинг тахлилида параллел аниқлашлар орасида рухсат этиладиган фарқ 0,10мг КОН ни ташкил этади. Рафинацияланган мойларнинг тахлилида параллел аниқлашлар орасидаги фарқ 0,06мг дан ошмаслиги керак. Тахлил вақтида рухсат этиладиган хатолик  $\pm 10\%$  бўлиши мумкин.

## ТЎҚ РАНГЛИ МОЙЛАРНИНГ КИСЛОТА СОНИНИ

### АНИҚЛАШ.

Тўқ рангли мойларнинг кислота сонини аниқлаш вақтида индикатор рангини ўзгаришини аниқлаш қийин (чунки мойни ранги тўқ) бўлгани учун, тузли усул ёки потенциометрик титрлаш усули таклиф қилинган. Потенциометрик титрлаш усули асосан илмий-тадқиқот ишларида қўлланилади.

Тузли усулнинг асосий хусусияти шундаки, бунда эритувчи қўлланилмайди. Фазаларни аниқ ажратиш учун NaCl нинг сувдаги тўйинган нейтрал эритмасидан фойдаланади. Титрлаш индикатор – фенолфталеин иштирокида олиб борилади. Ишқор барча эркин ёғ кислоталарини боғлагандан сўнг унинг ортиқча миқдори NaCl эритмасига ўтиб эритмани оч пушти рангга бўяйди.

**Ишнинг мақсади.** Тўқ рангли мойларни тузли усулда кислота сонини аниқлаш. NaCl совуннинг гидролизини тўхтатади ва титрлаш пайтида эмульсияларнинг ҳосил бўлишини олдини олади.

**Керакли реактив ва асбоб-ускуналар:** NaCl нинг тўйинган эритмаси, фенолфталеиннинг 1%-ли спиртли эритмаси, 0,1Н натрий

гидроксид эритмаси, 250мл ли сайқалланган тиқинли колба.

**Ишни бажариш тартиби:** Техник тарозида колбага 10г мой тортилиб олинади ва унга 50-60мл NaCl эритмаси ҳамда 0,5мл фенолфталеин эритмаси қуйилади. Колбанинг усти қопқоқ билан ёпилиб аралаштирилади. Сунгра 0,1Н калий гидроксид эритмаси билан титрланади (агар кислота сони каттароқ бўлса 0,25Н калий гидроксид эритмасини ишлатса бўлади). Титрлашда ҳар 4-5 томчи ишқор қўшилганда чайқатилади, бу жараён суюқликнинг пастки қатламидаги ранг йўқолгунча давом эттирилади. Агар чайқатиш вақтида ранг секин аста йўқола бошласа колбага 1-2 томчи ишқор эритмаси қўшиб яна силкитилади.

Титрлаш суюқликнинг пастки қатламида 30сек давомида йўқолмайдиган оч пушти ранг ҳосил бўлгунча давом эттирилади.

Кислота сони олдинги усулдаги формула ёрдамида аниқланади.

## **ПИВО ХОМАШЁСИНИНГ НАТУРАЛ ОҒИРЛИГИНИ АНИҚЛАШ**

Доннинг натурал оғирлигини ПХ-1 русумли бир литрли ёки экспортга чиқариладиган дон туркумлари учун ишлатиладиган йигирма литрли пуркаларда аниқланади. Натурал оғирлик бу 1литр хажмдаги доннинг оғирлигидир ва асосан доннинг натураси деб юритилади. Доннинг натураси литрли пуркада аниқланишидан олдин ўртача намуна тешик диаметри 6мм бўлган ғалвирда эланади ва яхшилаб аралаштирилади.

Литрли пуркада ишни бажарувчининг субъектив таъсиридан қатъий назар доннинг жойлашиш зичлиги тўлдиргич, воронкали цилиндр ва махсус тушувчи юк мосламаси ёрдамида таъминланди.

қуйида бошоқли донларининг натуралари келтирилган.

Буғдой дони – 725 – 810 грамм/литр

Жавдар дони – 685 – 770 грамм/литр

Арпа дони – 545 – 605 грамм/литр

Сули дони – 420 – 480 грамм/литр


**Ишнинг мақсади:** Арпа натурасини аниқлаш услубини ўрганиш ва натурага кўра арпанинг хажмий массасига баҳо бериш.

**Керакли реактив ва асбоб-ускуналар:** Бир литрли пурка, арпа дони.

**Ишни бажариш тартиби:** Пурканинг барча қисмлари қутидан чиқарилиб, қопқоғи ёпилади. Тарози штатив қути устидаги резбали мосламага қотирилади. Тарози штативига (5) тароз осмаси (6) кийдирилади унга тароз шайини (7) ўрнатилади. Бунда кўрсаткич стрелкасининг учини қайирмаслик ва призманинг хафсизлигини таъминлаш мақсадида тарози шайни охиста, эҳтиёткорлик билан ўрнатилиши керак. У ишни бажарувчига рақамли томони билан ўрнатилади. Сўнгра тарози шайни призмали учларига халқалар

кийдирилади. Тарози шайни ўнг томонига юкли ўлчагич, чап томонига эса тарози тошлари учун мўлжалланган палла осилади. Махсус юкли ўлчагич ва палланинг бир-бири билан мувозанатлашуви текширилади. Агар номувозанат холат кузатилса, пурка ишга яроқсиз деб топилади.

Ўлчагичдан юк чиқариб олинади ва қутининг устида махсус мўлжалланган мосламага ўрнатилади. Унинг тиркичига рақамли томонини юқорига қилиб пичоқ тикиб қўйилади. Ўлчагичга тўлдиргич (2) кийдирилади. Воронкали цилиндрга (1) эҳтиётлик билан текис оқимда дон солинади. Дон цилиндрнинг ичидаги махсус чизикқача солинади.



Расм 1. Уруғлар табиий оғирлигини аниқтайдиган пурка.

1 – воронкали цилиндр; 2 – тўлдириш цилиндри; 3 – тушадиган юк;  
4 – ўлчагич; 5 – тарози штативи; 6 – тароз осмаси; 7 – тарози шайни;  
8 – тарози палласи; 9 – филоф; 10 – пурка уяси; 11 – пичоқ

Агар цилиндрнинг ичида махсус чизик бўлмаса, бундай вазиятда арпа унинг устки қиррасидан бир сантиметр масофа қолгунга қадар солинади. Агар воронка қисмларига ажралувчан бўлса, у билан цилиндр

беркитилиб ағдарилади ва воронкаси пастга қаратилиб, тўлдиргич устига ўрнатилади. Воронкали цилиндр тўлдиргиш цилиндри устига ўрнатилгандан сўнг, воронканинг тўсгичи бармоқ билан охиста босиб очилади. Арпа тўлдиргичнинг ичига тўкилиб бўлгандан кейин воронкали цилиндр чиқариб олинади.

Ўлчагичнинг тиркичидаги пичоқ тез (аммо асбобни қимирлатмасдан) чиқариб олинади. Аввал юк, унинг изидан эса ўлчагичга арпа тушади. Пичоқ яна қайтадан олдинги эҳтиёткорлик билан тиркичга тикилади ва шундай қилиб ўлчагичнинг ичида бир литр арпа пайдо бўлади. Тўлдиргич билан биргаликда ўлчагич кути устидаги маҳсус пурка уяси (10) чиқариб олинади. Пичоқ устида қолган ортиқча арпа тўкилади. Ўлчагич тўлдиргичдан ажратилиб, тарозидан тортилади.

Хар қайси арпа намунаси учун натурал оғирлик икки мартадан аниқланиши зарур. Икки параллел аниқлашлар ёки орбитраж аниқлашлар орасидаги фарқ сули учун 10грамм, қолган экин донлари учун эса 5граммдан ошмаслиги керак.

Арпа намуналарини тарозда 0,5г аниқликгача ўлчаш керак.

#### **Иш натижасини белгилаш жадвали**

Дон	Натурани биринчи аниқлаш Г	Натурани иккинчи аниқлаш г	Икки ўлчов орасидаги фарқ г	Ўртача арифметик аниқлаш г
Арпа - 1				
Арпа - 2				
Арпа – 3				

#### **ДОНДАГИ АРАЛАШМАЛАР МИҚДОРНИ АНИҚЛАШ**

Дон партиясида аниқланган аралашмалар миқдори унинг умумий уюмига нисбатан фоизда ифодаланиши дон массасининг ифлослиги

дейилади. Дон партиясидаги барча қаттиқ компонентлардан иборат дон массасини икки гуруҳга кўз билан ажратиш мумкин.

Биринчи гуруҳ - асосан дон ва қайта ишланиб маҳсулотга айлантирилади.

Иккинчи гуруҳ - аралашмалар бўлиб, уларнинг айрим қисмидан маҳсулот олинмайди, айрим қисмининг чекланган миқдори асосий дон билан бирга қайта ишланиши мумкин.

Аралашмалар эса ўз навбатида кераксиз ва донли аралашмаларга бўлинади.

**Ишнинг мақсади:** Буғдойнинг ифлосланганлик даражасини аниқлаш.

## БУҒДОЙ ДОНИДАГИ АРАЛАШМАЛАР ТАРКИБИ ВА МИҚДОРНИ АНИҚЛАШ.

**Керакли реактив ва асбоб-ускуналар:** Техник тарози, тахлил тахтаси, шпатель, 2та элакдан иборат бўлган элаклар тўплами: 1)диаметри 1мм бўлган юмалоқ тешикли элак, 2) ўлчамлари 1,7x20мм бўлган тўртбурчак тешикли элак.

**Ишни бажариш тартиби:** Ўртача намунадан 50г буғдой дони тахлил учун техник тарозда ўлчаб олинади. Иккита элакдан иборат бўлган элаклар тўпламида (усткиси - ўлчамлари 1,7x20мм бўлган тўртбурчак тешикли; осткиси - диаметри 1мм бўлган юмалоқ тешикли элак) 3мин давомида эланади. Элакларнинг ҳар бирида тўхтаган ва ҳар бирдан ўтган фракциялар тахлил тахтасига алоҳида жойлаштирилади. Шпатель ёрдамида ҳар бир фракция яна уни ташкил килувчи компонентларга (жадвалда номлари келтирилган) ажратилади. Ҳар бир аралашма тури алоҳида-алоҳида техник тарозида 0,01г аниқликгача ўлчанади. Тахлил намунасининг миқдorigа нисбатан фоизда ифодаланган аралашманинг миқдори қуйидаги формула ёрдамида ҳисобланади:

$$X = (A_n \cdot 100) / B \quad (\%)$$

Бу ерда  $A_n$ - чиқиндининг миқдори, г.

$B$  - таҳлил намунасининг миқдори, г.

### Иш натижасини белгилаш жадвали.

Аралашма фракциялар номи	Грамм	%
<p>Ифлос аралашмалар:</p> <p>1. Ø 1 мм бўлган элак орқали ўтказилган порциялар.</p> <p>2. Минерал аралашмалар (кесак, тош, галька, кепак ва бошқалар).</p> <p>3. Органик аралашмалар (ғалла пояси, ўзаги, чўп-хас, барглар).</p> <p>4. Ёввойи ўсимликларнинг уруғлари.</p> <p>5. Маданий ўсимликларнинг уруғлари. Дон аралашмасига киритилмаган.</p> <p>6. Бугдой, арпа, сули донларининг синган, куйган–эндоспермадан ажралган тўплами.</p> <p>7. Зарарли аралашмалар: қоракосов, мастак, вязел, сафара тулкидум, эшакмия, тош қоракуя ва бошқалар.</p> <p>8. Донли аралашмалар:</p> <p>а) янчилган, синган, пишиб етилмаган ва ривожланмаган донлар.</p> <p>б) Эзилган донлар.</p> <p>в) Юмшоқ–тўла етилмаган донлар.</p> <p>г) Ўсиб кетган, куртак отган донлар.</p> <p>д) Совук урган донлар.</p> <p>е) Қуритилганда ёки ўз-ўзидан қизиб куйган донлар.</p> <p>ж) Қуритилганда шишиб кетган донлар.</p> <p>з) Арпа, сули ифлос чиқиндиларга қўшилмайдиган кичик, майда донлар.</p> <p>и) 1,7х20 ўлчамли элакдан ўтиб кетган донлар.</p>		

### БУҒДОЙ УНИНИНГ КЛЕЙКОВИНАСИНИ АНИҚЛАШ

Уннинг «кучи» таркибидаги оқсил-протеиназа комплекси, клейковинаси ва клейковинасининг сифати билан белгиланади. Клейковина асосан

оқсиллардан ва кўп бўлмаган миқдорда крахмалдан, клетчаткадан, ёғлардан ва минерал моддалардан таркиб топган. Буғдой унининг нон хусусиятлари ундаги клейковина миқдорига ҳамда унинг мустаҳкамлик ва чўзилувчанлигига боғлиқ.

Клейковина икки ҳил қўринишда бўлиши мумкин. «Хом клейковина» - хамир қилинганда шимдирилган сувли, «қуруқ клейковина» - қуритилгандан кейинги клейковина. «Хом клейковина» миқдори стандарт бўйича қўрилган хамирдан қўлда ювиш йўли билан аниқланади. Айрим давлатлар стандарти бўйича клейковинани механик усулда ювиш қабул қилинган. Бундай механик усул учун швейцариянинг «Глютенекс», германиянинг «Теби», чехиянинг ЛП маркали, венгриянинг «Лабор -370» қўрилмалари маълум. Бироқ бу қўрилмаларнинг барчасида битта камчилик бор, яъни қўрилмалар клейковинанинг тўлиқ ювилишини таъминлаб бера олмайдилар ва қўлда охиригача юшиш талаб қилинади.

**Ишнинг мақсади:** Буғдой унининг «хом клейковинаси» миқдорини аниқлаш.

**Керакли реактив ва асбоб-ускуналар:** Фарфор косача ёки хавонча, зич элак, 0,1%ли йод эритмаси, техник тароз, водопровод суви.

**Ишни бажариш тартиби:** 0,1г. аниқликда ўлчанган ун намунаси фарфор косачага ёки хавончага солиниб, ҳарорати  $18^{\circ}\text{C}$  ( $\pm 2^{\circ}$ ) бўлган, 13 мл водопровод суви билан хамир қўрилади. Шиша таёқчага ёки қўлга ёпишган хамир бўлакчалари катта бўлакка қўшилади. Хамир тўлиқ мушлангунга қадар қўрилади. Яхши қўрилган хамир юмалоқ шар шаклига келтирилиб, ун яна ҳам тўлиқ намланиши учун, фарфор косада усти шиша билан ёпилиб,  $18^{\circ}\text{C}$  ҳароратда 20 минут тиндирилади. 20 минутдан сўнг хамир шари водопровод крани остида, тагига зич элак тутиб ювилади. Крахмалнинг анча қисми ювилиб кетиб, аввал юмшоқ ва узилувчан бўлган клейковина таранглашади. Клейковина сув остида ювинди сув тиниқхолга келгунга қадар ювилади. Зич элакга узилиб тушган бўлакчалар қайтариб қўшиб олинади. Тоза ювилганлигини текшириш учун клейковинадан сиқиб, ажратиб олинган икки томчи ювинди сувга бир томчи 1%-ли йод эритмаси томизиб

кўрилади. Агар кўк ранг ҳосил бўлмаса, клейковина тўлиқювиб тозаланган бўлади. Ювилган клейковина кафтлар орасига олиб, суви сиқиб ташланади. Кафтлар сочиқ билан артилиб, клейковина бармоқтар билан ички қисми ўгирилиб, яна сиқиб ташланади. Ҳар бир сиқиб ташлангандан сўнг клейковина тарозида тортилади. Икки марта тарозида тортилган клейковина оғирлигининг фарқи 0,05граммдан ошмаса, тажриба тугатилади. Клейковинанинг фоизда ифодаланган миқдори ( Кл ) қуйидаги формула бўйича ҳисобланади.

$$Кл = Кт \cdot 100 / У \quad ( \%)$$

Бу ерда Кт – ундан тажрибада ювиб ажратиб олинган ва тарозида ўлчанган клейковина оғирлиги, г.

У – таҳлил учун олинган ун намунасининг оғирлиги, г.

## АДАБИЁТЛАР

1.Руководство по методам исследования, технохимическому контролю и учёту производства. – Л.: ВНИИЖ, 1987, 1-том.

2.Л.И.Пучкова. Лабораторный практикум по технологии хлебопекарного

производства. –М.: 1971, «Пищ.пром.» -192с.

3.Л.В.Муравицкая. Технохимический контроль пивоваренного и безалкогольного производств и основы управления качеством продукции. –М.: 1987, «Агропром», -256 с.

4.А.Т.Марх, Т.Ф.Зыкина и др. Технохимический контроль консервного производства. –М.: Агропромиздат, 1989. -304с.